

Wolffhart von Brandis stellt seinem Mitbürger Michael von Hohenems für ein den Brüdern Ulrich und Konrad Payger geschuldetes Darlehen von 2000 Gulden und einen jährlichen Zins von 100 Gulden einen Schadlosbrief aus.

Or. (A), Vorarlberger LandesA Bregenz, 8024. – Pg. 31,5/9 cm. – Siegel von Wolffhart v. Brandis abh. – Rückvermerk (15. Jh.): Michel von Emps schadlosbrieff von herr Wolff von Brandis 1438. Regest: Zösmair, Urkundenauszüge (1881) Nr. 145, S. 65.

l¹ Jch^{a)} Wolff von Brandis¹ der elter frye bekenn vnd vergich mit disem brief allen den, die jn sehent oder hörent lesen von sãmlicher versatzung vnd mitgũtschaftt wegen, l² als der vest Michel von Emptz² hinder mich gegangen vnd mit mir rechter mitgũt worden ist gegen den frommen vnd vesten V̇lrichen vnd Cũnrratten den Paygern l³ gebrüder, vmb zway tusent Rinisch guldin hoptgũtz vnd vmb hundert Rinisch guldin jãrlichs zinses von dem selben hoptgũt ze geben nach jnnhalt des hoptbriefs l⁴ den vorgenannten V̇lrichen vnd Cũnrratten den Paygern darvber geben. Da loben ich mit minen sichren trüwen in aydes wyse für mich vnd min erben, den obgenannten Michel l⁵ von Emptz vnd sin erben von dieser mitgũtschaftt wegen von allem schaden vmb hoptgũt vnd schaden gantzlich ze lösen, ledig vnd los ze machen ân jren schaden l⁶ ald wie sich fũgti, dz das nit also beschãch. So hant der obgenannt Michel von Emptz vnd sin erben vnd all jr helffer, wãr die je sind ald werdent, vollen gewalt, gũt l⁷ recht vnd erlobtes vrlob, mich vnd min erben an allen v̇nsern lüten vnd landen, ligenden vnd varenden gũt anzegriffen mit gaistlich als mit weltlichem gericht, l⁸ ald ob si wend ân gericht. Vnd si sond och hiemit dehains jãrs niemer gefrãuelt noch missvarn haben, als lang vil vnd gnũg vntz das si der obgemelten l⁹ mitgũtschaftt gantzlich vnd gar ledig vnd los sind ân jrn schaden. Hiewider sond weder jch noch min erben niemer nicht ze wort gehalten ân all geuerd. l¹⁰ Vnd des ze vrkũnd der wãrhait so hân ich obgenannter Wolff von Brandis min jnsigel für mich vnd min erben offenlich gehenkt an disen brief. Der geben ist l¹¹ an v̇nser lieben frowen abent ze herbst nach Cristus gebürt tusent vierhundert vnd jm achten vnd dryssigosten jãr.

^{a)} *Initiale J 7,5 cm lang.*

¹ *Wolffhart V. v. Brandis, 1408-1459. – ² Michael I. v. Hohenems (Vorarlberg, A), 1424-†1451.*